

Pɔlö -bha 'sëédhe 'ö- bɔ

Titö

-dhë bhë 'ö =ne

Pɔlö -bha -büö -da Titö -dhë -sü

1 ¹Ma Pɔlö 'a -Zlan -bha yuökëme waa- Yesu Klito -bha bɔme 'ka, 'a 'sëédhe =ne 'a- bɔ ü -dhë. -Zlan -yö n -bɔ kö me -nu 'ö -an sü ö -bha 'ka bhë, 'aan- -zo -yö ö -bha -sü -wun =blee'- -an -dhë, kö -waan wo -zo yö -a -bha. 'Yö n bɔ 'pö kö 'aan- -an =daan-', 'wun giagia 'ö- -gen go -a 'piö, 'ö dho wɔ -kɔ 'ö 'kwa dho wɔ -a 'ka kö -yaan -Zlan -zo 'kun -a -zɔn kwa -dhë. ²A- -kë 'dhö kö me -nu -wo =toëpö -këdhösü -wun -dhe 'wun gia- Bhii -Zlan 'ö 'yaa =sua kë bhë, =toëpö -këdhösü bhë, -ya 'tɔ -go kwa -dhë kö -yaan =tun 'kpongtaadhe kë -na. ³-Zlan 'ö kwa Dhame 'ka bhë, =toëpö -këdhösü -wuntaasë bhë, -ya -wun -lo n kwëe kö 'aan- -a =blee'- me -nu -dhë. Bhii yi 'ö 'kwa- 'ka =deë =ne 'ö tɔɔ yi 'ö- kpɔ 'ö- -kë kö 'kwaan- -a dɔ. ⁴((Titö bhi 'ö 'ü -kë =ne n gbö 'dhö, 'ö tɔɔ ma 'a -Zlan -wo =blee ü -dhë kö 'üën- =tun -a -wun -dhe -na 'wun gia-, 'go mü 'zü 'ö ko -bha -zo -yö -Zlan -bha -sü 'dhö do bhë,)) a- -dhe -na -Zlan 'ö kwa Dë 'ka waa- Yesu Klito 'ö kwa Dhame 'ka -an -gɔ kö -wo 'dhuë- 'kpɔ ü -bha, kö -wo ü gbaa wo -bha =zuöyagluu 'ka.

Titö -bha yuö 'ö- -kë -Zlan -dhë Kletö -se 'gü

⁵A ü -to n =zlöö Kletö -se 'gü kö yuö 'ö n 'ka- 'dhiö 'to gbɔ, 'töng -bha -to 'tee -sü -dhë bhë, 'üën- -a kë. -Bhö me ziizii -nu -ya -Zlan -bha me -nu -dho 'kuë- -sü -gɔ -ta do do 'ka pödhe -nu 'gü! Ü 'dhoë- me ziizii -nu -ya =dhia, ü -zo -yö -büö 'wun 'ö 'a- =blee ü -dhë 'dhiö 'ö -gban -an -bha -a 'ka. ⁶A- -pö me 'ü dho -a sü -yö kë me 'ö me gbe yaa 'dho -mɔa -bha kö -ya -bha -tɔmɔdhe yaa kë -a 'ka. -Yö kë gɔɔn- 'ö- bɔɔ 'dhö do -a 'ka. -Yö kë 'zü me 'ö- -bha 'në -nu -wo -kë Yesu -wun -dhe 'wun gia- -me -nu 'ka -a 'ka. Kö -kun 'ö me gbe -ya -bha 'në

-nu -bha -tɔmɔdhe -kë -a pö -sü 'ka =ne -a -bha 'në -nu -sɔɔn -yö ya, 'iin 'waa 'wun ma wo -me -nu -ta. ⁷Bhii 'ö tɔɔ 'dhiö -sü me 'ka -me 'ö dho -Zlan -bha yuö kë -a -bha me -nu -dho 'kuë- -sü ziën, -yö -dho kë me 'ö me gbe 'ka 'dho 'wun yaa yö -a -bha -a 'ka. Yö 'ka 'dho kë -desüvame, -naazuédhekëme, yɔmüme, 'wunpenme, 'iin me 'ö -naɔ =mɛɛ -flüü kë -sü 'ka -a 'ka. ⁸'Kɛɛ -yö kë me 'ö -nia -nu kun -së, me 'ö pë -së -dho -ya -kë, me 'ö -zuö' 'dhö -saa, me 'ö kpengdhö, me 'ö -Zlan =bhlë -ya 'iin me 'ö 'ö -de -kɔɔn -a 'ka. ⁹-Yö kë 'wuntaɔsë kpengdhö 'ö go -Zlan 'piö 'ö 'yi ka =daan -a 'ka bhë, -zo -yö -a -bha -me 'ka. -Ya kë 'dhö -yö -dho me =faan' më 'ö -bha me =daan' -wo 'ö 'wun giagia 'ka bhë -a 'ka, 'ö dho -a -zɔn 'zü =ne me -nu 'wo me =daan =sua -wun -nu 'ka bhë, wo -de -piü 'wo -wo.

¹⁰-Bhö -a kë 'slë 'ka =ne -kɔ 'a- pöë bhë -a 'dhö! 'Ö tɔɔ Yesu -wun -dhe 'wun gia- -me -nu ziën, medhevadhe -wo -dhö, 'ö 'waa me gbe =bhlë -ya, 'ö 'wun 'ö- -gen 'yaa 'dhö 'wo- =blɛɛ, 'ö 'wo me -nu =daan =suapë -nu 'ka. Me -nu 'ö 'wo 'dhö bhë -an =plëzë -wo -kë Zuifö 'ka -be kö -waan =tun Yesu -wun -dhe -na 'wun gia-. ¹¹Me -nu 'wo bhë, -bhö dɔ -an -bha me =daan' -wo bhë -a -gɔ 'yënnɔ, 'ö tɔɔ -wo 'gügludhe -da -na -a 'ka kɔɔme -nu ziën do do 'ka. -Wa -kë 'dhö me -nu -waan 'wëüga nu -an -dhë. 'Wun =suu' -'ö =ne, yaa -dhe -ma 'kun! ¹²-A -de -an -de -gɔ 'wundɔme do 'ö -kë Kletö mi 'ka =ne -an 'dhö 'pö 'ö -kë -ya -sü 'ka Kletö -sɛ gia- bhë -a 'gü, -yö 'wun -blɛɛ 'ö- pö: «Kletö -me -nu -bha 'wun 'ö tɔɔ =sua -wun =blɛɛ' -sü -kplawo. -Wo pë yaa -kë, me -nu 'wo to -an 'ka =ne -kɔ 'ö wü 'dhiö- 'dho pë yaa kë -na -a 'ka wü 'në 'sɛɛn- -nu 'wo to -an 'ka bhë -a 'dhö. -An -kɔ -mɔa -bha -pë gbe 'yaa 'dhö. -An -zo -ta -a 'gü -wun dosen 'ö tɔɔ pë -bhö -sü.»

¹³Pë 'ö Kletö mi bhë 'ö- =blɛɛ bhë 'wun gia- -mü. -A -wun 'gü 'ü dho -a pö Yesu -wun -dhe 'wun gia- -me -nu -dhë 'gbee- 'ka =ne kö -kun 'ö 'wo wo 'to to =sua -wun 'ö 'wo me =daan' -na -a 'ka bhë -a -bha; 'kɛɛ -wo wo -zo yö 'wun giagia 'ö go -Zlan 'piö bhë -a -bha. ¹⁴-Yö kë 'dhö kö -kun 'ö 'wo dho wo 'to to -kwezü -nu 'ö Zuifö -nu 'dho -an =blɛɛ' -na bhë -an -bha kö -waan -an -dhe 'wun gia-. 'Go mü 'zü kö -kun 'wo dho 'wun ma me 'bhee- -nu 'ö 'waa 'we -a -bha kö -wo -Zlan -bha me =daan' -wo kpengdhö kun bhë -an -bha tɔng -nu -ta; ¹⁵'Ö bhii me 'ö kpengdhö, pë 'plɛ -yö 'slööslo -a -bha 'ka. 'Kɛɛ me 'ö 'yaa kpengdhö 'ö 'yaa 'wun ma -Zlan -ta, -yö Yesu -wun -dhe 'wun gia- -me -nu -bha -gɔ 'ö 'waa -a 'dho sia- Zuifö -nu -bha tɔng -dhë bhë waa- pë 'plɛ 'wo to -an yö ya. -An -bha -zo -ta -a 'gü -wun -yö ya, 'ö 'wun yaa kë -sü -dho -yö -an -kë. ¹⁶(Me -daan =sua -wun -nu 'ka -me -nu 'wo bhë, -bhö -an -gbaannu,) 'ö tɔɔ 'zü =neɛ -wa -pö wo -Zlan -dɔ, 'kɛɛ kö -an këwun -nu -wa -zɔn =ne 'waa -Zlan dɔ. Bhii 'ö tɔɔ 'waa 'wun ma -Zlan -ta; pë 'ö -Zlan -ya -san zë 'wo- -kë; -an -kɔ 'yaa -mɔ -a -bha kö -wo 'wun -së kë.

Yesu -wun -dhe 'wun gia- -me -nu wɔ -kɔ

2 ¹Bhi -zë, -bhö me -nu =daan' -me =daan' -wo giagia 'ö go -Zlan 'piö bhë -a 'ka!

2-Bhö -a pö gɔɔn- -klöö -nu -dhë kö -kun 'wo -kë 'wun -nu -ziö -gɔü' -me -nu 'ka! -Wo kë më 'ö më -nu dho -an -bhlë -ya -an 'ka! -Wo kë më -nu 'ö 'wo 'wun dɔ -an 'ka, -an këwun -nu waa- -an -bha -zo -ta -a 'gü -wun -nu 'ka! -Wo kë më -nu 'ö 'wo wo -zo yö giagiawo -Zlan -bha -an 'ka! -Zlan waa- më -nu -dho -yö -an kë kpinngdhö! -Wo kë -zuö' -saa -më -nu 'ka, (më -nu 'ö 'wo pë yaa kë -na -an 'ka bhë -an buëndhö!)

3-A pö dhe -klöö -nu -de 'pö -an -dhë -në -an -bha -tosiadhe -yö kë -në dhoo -nu 'ö 'wo Yesu -wun -dhe 'wun gia- -an -bha 'dhö, bhii 'waa më -nu 'tɔ 'gü -siö', 'wun yaa -blëë -an -gɔ -sü 'ka! Kö -kun 'wo -kë yɔmüdhe 'ka! -Wo yö më -nu -dhë 'dhiö =zian' 'wun -së kë -sü 'gü! 4-A -kë 'dhö -sü 'ka, -wo -dho -a -zɔn -dadhëü dhoo -nu -dhë -në -wo wo =gɔn -nu waa- woë- 'në -nu -dho kë. 5 -Wo -dho wo -bha 'wundɔdhe -zɔn -an -dhë, -an këwun -nu waa- -an -bha -zo -ta -a 'gü -wun -nu 'ka. 'Go mü 'zü -wa pö -an -dhë -në kö -kun 'ö 'wo wo -zo ta wo 'bhame -nu -bha gɔɔn- =mëë' -sü 'iin =mlaabo =mëë' -sü -wun 'gü. -Wo wo -bha kɔɔ -yuö -nu -wun 'kun 'gbee! -Wo wo -gɔ 'dho sia- wo =gɔn -nu -dhë! -Dadhëü dhoo -nu 'wo bhë, -wo wo -de 'kun kö -kun 'ö më gbe dho -a pö -Zlan -wo 'yaa kpengdhö.

6 'Go mü 'zü 'ü- pö -dadhëü gɔɔn- -nu -dhë 'pö =në -wo kë më 'ö 'wo 'wun dɔ, -an këwun -nu waa- -an -bha -zo -ta -a 'gü -wun -nu 'ka -an 'ka! 7-Dhe -kë -në bhi -de 'pö ü -kë -dadhëü 'ka bhë, -bhö pë 'ö kpengdhö -a kë kö ü 'bhame -nu 'wo to -waan wo wɔ -kɔ 'sü ü -bha. =Ya kë -në 'bha kë më -daan' -dhia, -bhö -an =daan' 'wun gia- 'sloo 'ka! 'Go mü 'zü, -bhö -a 'slë -mëë' -kö më -nu -waan ü -bhlë -ya! 8 Ü =blëë' -wun -nu -wo më -nu -zo 'kun! =Ya kë 'dhö, lë- -dho kɔɔ kwa yaagüme -nu -ta, bhii 'ö tɔɔ waa 'dho -mɔ -a -bha kö -waan 'wun yaa -blëë' -kwa -gɔ.

9-A pö yuö -kë më 'piö -më -nu -dhë -wo 'wun ma wo =kɔɔnme -nu -ta -kplawo! Pë 'ö -an =kɔɔnme -nu -zo kun =në 'wo dho -a kë! Kö -kun 'wo 'yan -ziö' -kë wo =kɔɔnme -nu 'ka! 10 Kö -kun 'wo wo =kɔɔnme -nu -bha pë -kwaan! 'Këë -wo kë 'kpaakpa kö -waan wo -zo 'tën -an -dhë kö -an këwun -nu bhë më -nu -wa yö kö -wo 'wun -së -blëë' -më -daan' -wo 'ö -gban kwa Dhame -Zlan -bha bhë -a -bha.

11 Yesu -wun -dhe 'wun gia- -më -nu -bha -tosiadhe kë -kɔ -yö kë 'dhö, bhii -Zlan -ya -zɔn më 'plë -dhë -në -yö -dho ö -bha 'glusë kë -an 'ka, -potaasü -nu -an -dhë -sü 'ka, kö -waan dha -sü yö -bɔ ö -ta -sü 'ka. 12 'Glusë 'ö bhë -a -wun 'gü, -Zlan -yö kwa -daan kö 'kwa kwa =kwa' -kwa wɔ -kɔ yaa -zü, 'ö kwa =daan 'pö kö 'kwa kwa =kwa' -'kpongtaapë 'ö 'yaa -dhë -së, -a -dho kë -sü -zü. 'Këë kwa -bha -tosiadhe 'gü 'kpongtaa zö kwa -dho kwa -de =kɔɔn. 'Go mü 'zü kwa -dho -Zlan =bhlë -ya pë 'ö kpengdhö -a kë -sü 'ka. 13 -Kɔ do 'ö bhë -a 'ka 'pö -Zlan -yö kwa -daan, -dɔ pë -së 'ö 'dhiö 'ö 'kwa- =tei' dɔa =në -yö -dho nu bhë -a -gɔ, -tosiadhe -kë -sü 'ka -kun. Pë -së 'ö 'kwa dɔ -na -a -gɔ bhë 'ö tɔɔ kwa -bha -Zlan =va 'ö -kë kwa Dhame Yesu Klito 'ka bhë, -yö -dho nu ö -bha 'tɔbhɔdhe 'ka. 14 Yesu -yö

ö -de -nu me 'bhee- -nu kwa -wun 'gü, -yö kē 'dhö kö 'kwaan- 'go pē yaa -bha 'piigbeedhe kwæ kö 'kwaan- kē 'slööslö yö do 'sloo -a -bha 'ka, 'go mü 'zü kö 'kwaan- kwa -de nu 'fefedhö pē -sē kē -sü -dhē.

¹⁵-Bhö me -nu -daan'- 'wun -nu 'wo bhē -an 'ka! -Bhö -gban me -nu -bha -an kē -sü 'ka! -Bhö 'we me -nu 'ö 'waa 'we -a -bha kö -wa kē bhē -an 'piö. Pē -nu 'wo bhē, -bhö -an kē -wogbiindhe 'ka! Kö -kun -kē 'ö me gbē -ya pö -san 'ka ü -dhē -ne 'bhaa me 'ö dho me -daan' 'wun -nu -suu'- 'wo bhē -an 'ka!

Yesu -wun -dhe 'wun gia- -me -nu wo -ko

3 ¹-Bhö -a pö Yesu -wun -dhe 'wun gia- -me -nu -dhē 'zü, -wo wo -go 'dho 'sëgo 'dhiö -me -nu -dhē sia-; -wo 'wun ma -an -ta. -Wo 'we -a -bha kö -wo kē 'wun -sē kē -me 'ka! ²Kö -kun 'wo 'wun yaa -blëe me gbē -go! Kö -kun 'wo -kē 'dhinaa kē -me 'ka! -An -zuö' -yö kē -sē me 'plë buëndhö! 'Go mü 'zü -wo me 'plë -bhlë -ya -kplawo! ³Ö tɔɔ kwa -de 'pö kwa -kē -ne -an 'dhö 'pö. Kwaa pē gbē dɔ -Zlan -bha, 'ö 'wun ma -a -ta -sü yaa kē kwa -go; kwa -sua -wun -dhe 'wun gia-, 'ö kwa -dhökëpë -nu -wo -kē yaa. Kwa -kē -klu -sü 'ka pē yaa -suu'- 'kpekpe -nu -bha, 'ö me gbē -bha pē -dho -yö kwa -kē; 'ö 'kwa -kē -ya -sü 'ka kwa 'ko -san 'ka. ⁴Këe -dhe 'ö- yi -ya -lo, 'ö -Zlan 'ö kwa Dhame 'ka bhē 'ö- -zɔn me 'saadhö -dhē -ne ö 'glu -yö -sē kwa 'ka, 'ö kwa -dho -kē; ⁵'ö kwa dha. Yaa kē -ne -yö kwa -dha, kwa këwun -sē -bha, 'këe -yö kwa -dha kwa 'yena -bha, kwa -bha -sɔɔn yaa -bho kwa -bha -sü 'ka, 'ö tɔɔ -Zuu 'slööslö -ya -kē kö 'kwa bho -dëüwo kö 'kwa -tosiadhe -dëü kē. ⁶-Zuu 'slööslö 'ö bhē -Zlan -ya -nu kwa -dhē -ziö -a -naa -ta -sü 'ka, -bɔa' Yesu Klito 'ö -kē kwa Dhame 'ka bhē -a 'gü -sü 'ka. ⁷-Ya -kē 'dhö kö -a -bha 'glusëdhe 'ö bhē -a -wun 'gü, 'kwaan- kē kpengdhö ö wö 'dhiö kö -tosiadhe -dëü 'ö 'kwa kwa -zo yö -a -bha bhē -yaan -a nu kwa -dhē.

⁸'Wun -nu 'a -an -blëe bhē 'wun gia- -mü; wo -ne 'ü dho me -nu -daan' -an 'ka kpinngdhö. -Bhö -a kē 'dhö kö -Zlan -wun -dhe 'wun gia- -me -nu -waan wo -faan' 'sü -va kö -waan 'wun -sē kaa -kplawo. 'Wun 'ö bhē -a kē -sü -yö -sē; -yö -dho pē -sē kē -an -go. ⁹Kö -kun 'ü zaodhe -kē 'wun 'ö -truën 'yaa -dhö -a -wun 'gü, 'iin 'ü to me 'bhema -nu wo -ko -bhüö 'piö! 'Go mü 'zü 'ü zaodhe -kē 'wun 'ö -gban Zuifö -nu yi -bha tɔng -nu -gen -bha bhē -a 'ka! Kö -kun 'ü to 'wun -nu 'wo bhē -an 'piö, 'ö tɔɔ -an -truën gbē 'yaa 'dhö. ¹⁰Ö -ya kē -ne 'gügludhe -da Yesu -wun -dhe 'wun gia- -me -nu ziën -me -ya kē ka ziën, -bhö -a pö -a -dhē, -yö ö bo -a kē -sü 'ka! -Ya kē -ne 'yaa 'we -na -a -bha kö -yaan ö bo -a 'ka, 'ye ü 'zü 'ü- pö -a -dhē 'dhö! -Ya kē -ne 'yaa 'we -na -a -bha -kplawo kö -yaan ö boë, -bhö -a bho Yesu -wun -dhe 'wun gia- -me -nu ziën! ¹¹-Bhö -a kē 'dhö, bhii ü- -dɔa' -ne me -suu'- 'ö 'dhö bhē 'yaa ö -de nu 'wun kpengdhö kē -sü -dhē. -A -bha 'wun yaa -ya -zɔn -ne -yö zian yaa -ta.

-Wo -kaanta -nu

¹² Ate masö waa- Tisikö 'wo bhë, a -dho -an me do bo ü -dhë. Me ö 'dhoë- nu bhë, =ya -lo, -bhö 'to mü 'ü ü 'gü do 'gbee- kö 'ü nu n 'piö Nikapoli plöö; ö tɔɔ a- 'piö kö 'a 'dho 'aan- 'nenε 'töng kë 'ma. ¹³ Ya kë -ne 'zü Zenasö 'ö tɔngdɔmε 'ka bhë waa- Apolsö =wa -mɔ -a 'gü kö -wo 'dho 'dhiö wo -bha 'ta 'sü -sü 'ka, -bhö pë 'plε kë kö pë 'ö -an -bha -wun dho yö -a -bha, 'ü- këdhe =mεε'- kö -waan -a yö. ¹⁴ Yaa kë -ne bhi do 'ü dho -a kë 'dhö, 'kεε Yesu -wun -dhe 'wun gia- -mε -nu 'töüdhö -wo -dho gbaɔ kë -sü =daan'- kö -dhe 'ö- -dhe 'dho -a -bha -waan nu me -nu -dhë -a -dhe -bha, kö -an -bha -tosiadhe -yaan pë -së kë me -nu -gɔ.

¹⁵ Yesu -wun -dhe 'wun gia- -mε -nu 'wo n 'piö 'nö =wa 'we ü 'ka. 'Yië 'we Yesu -wun -dhe 'wun gia- -mε -nu 'wo ü 'piö 'ma 'ö yi -dho -yö -an -kë kwa -bha -klu Yesu -bha -sü -wun 'gü -an 'ka!

-Zlan -yö 'glusë kë ka 'ka!